

騰笑集

二

騰

笑集

(清)朱彝尊撰

上海古籍出版社出版

上海路五號

上海市印刷七廠印刷

新華書店上海發行所發行

各地新華書店經售

一九七九年六月第一次印刷

開本：六一〇乘一三七二毫米十二分之一

印張：二三又六分之五 印數：一——五〇〇〇部

統一書號：一〇一八六·一〇一 全二冊 線裝本定價：五元八角

騰笑集卷五

今體詩三

送燈上人



廬嶽送齊已杼山歸皎然渡杯看下潞徇祿笑
畱燕別訝新年驟書憑故里傳休忘煮茶約俟
我小亭邊

送施

鑒范

令什邡

早綰銅章去嚴程莫滯畱連雲仍舊棧到日恰
高秋訟向泉邊聽書從鳥外郵毋嫌山郭小漢
將此封侯

奉酬相國馮夫子問病之作

月閨延秋序樽空病酒徒黃楊生易厄鳥几凭
逾孤夫子勝龍樹奉錢資藥爐清風兼有作宛
使蟄蟲蘇

送慕主事權關杭州

江漲橋邊路星隨使者來須知持國計端藉軼
倫才書幌晴湖卷茶檣夜火開西谿春信早誰
並詠官梅

題李檢討

楠

梅花圖和韻四首

樂飲高齋勝都亭不易哉客從元夕暇花擬故
園開未雨莓苔潤衝寒雀豹來若爲方泐便分

乞小牕栽

疎影孤山後
寥寥愛者誰
青猿慵未摘
翠羽弱難持
落月長疑夢
巡簷亦有詩
緇塵眼初豁
不厭最繁枝

霽雪三楹屋
苔枝四尺身
不眠尋塞管
相對儼鄉人
愧後遨頭夜
思傾婪尾春
玉堂許酬和
猶及賞花辰

披圖精舍小
酒榼暫教刪
只少柁樓坐
江橋對虎山
簾猶映松下
月未減籬間
有約明年放
南隣日往還

壬戌除日 保和殿侍宴

珮結緋魚後樽開白獸先呈能勾樂隊密坐潤
爐烟紫路頻除夕青燈異往年誰當頌椒會猶
侍

聖人前

癸亥元日 賜宴太和門

垂衣逢盛際輯玉盡來庭白醞三光酒青歸一
葉葢新年恩較渥昨日醉初醒九奏鈞天曲風
飄次第聽

十三日 乾清宮 賜宴

詔許 宮門入人隨 陛戟移江梅低壓帽火
樹密交枝旣醉盈觴酒無疆萬壽詩夢遊真不
到今夕奉恩私

是夜 賜內紵表二裏一

元老傳

天語殊恩及侍臣禮優加束紵價重抵雙銀笑
蒼妻孥問爭尋剪尺顓光風今歲早春服最宜
人

十五日 保和殿侍食

露草詩歌雅雲天易象需不圖大酺樂獨許小

臣俱注椀茶膏滑堆盤菜甲殊歲除曾幾日四
度飫堯廚

是日再入保和殿侍宴

乍賜晨餐出仍容午宴陪一夫馳秉翟七校
下傳杯妙舞娑盤歇華鐘取次催分明衣上月
携自九霄回

二十日召入南書房供奉

本作漁樵侶翻聯侍從臣迂疎人事減出入
主恩顯短袂紅塵少晴牕綠字勻願爲溫室樹
相映上林春

恩賜 禁中騎馬

魚鑰千門啟龍樓一道通趨翔人不易行步馬
偏工鞭拂宮鴉影衣香苑柳風薄遊思賤日足
繭萬山中

三十日

上自南苑回 賜所射兔

壹發歌文囿三驅入漢郊乍肥淺艸窟宜入早
春庖 賜向燈前出歸從馬後捎食經繡未得
方浣試燂魚

二月初二日 賜居 禁垣

講直華光殿居移履道坊經營倚將作宛轉繞
宮牆對酒非無月攤書亦有床承

恩還自哂報國祇文章

早秋西華潭

殘暑秋逾熾涼風午乍催微波蓮葉卷新雨豆
花開宛轉通橋影清泠傍水隈夕陽山更好金
碧湧樓臺

夜起

銀浦懸宮月金風動井榦魚雲吹不去虬箭滴
初殘木落南樓早山連北口寒秋來無別夢夜

夜望回鑾

壽孟叟

最愛鑑湖好秋山
百里青君家秋山下
逸屋泉泠泠黃菊樹
百本翠濤開幾餅玉
顏長可駐不藉藥珠經

納臘侍衛

性德

輓詩六首

驟聽黃雞唱驚隨白馬來
百年嗟輟瑟五日尚銜杯
泉下知安往人間信可哀
退朝憐相國封篋忍重開

通籍題羶筆承

恩改鵬冠射鳥

天一咲走

馬路千盤禁直昏鐘入廊餐午箭殘傷心倚閭
望東第少歸鞍

出塞同都護論功過貳師華堂屬續日絕域受
降時悽惻傳

天語艱難定月支歛魂猶未散消息九京知

屈指論交地星終十二年斯人不可作知己更
誰憐翠漸深門柳紅仍膩渚蓮舊游存益少悽

斷小亭前

主客披圖得雲烟過眼諳吟花成絕筆聽雨罷
深譚畫裏韶顏在尊前綺語耽憑將腸斷句流

轉到江南

別悔從前易途傷此日窮迴腸歌哭外搔首寂寥中迹掃孤生竹枝摧半死桐自今觀物化不詆釋門空

題楊上舍

自牧

潛籟軒

香草芹城外幽居虎峪隈緇塵吹不到白鳥有時來萬籟入門寂羣花繞屋開家僮聞剝啄知得異書廻

同毛檢討

奇齡

李檢討

澄中

李中允

鎧

毛檢討

升芳

集馮檢討

勗

齋分韻得南

字

畢卓能轟飲康駢愛劇譚長筵遮硯北小徑闢
花南榼醖三升酒蘂香二寸柑餘酣畱未去采
菊入茶籃

顧編修

藻

以橄欖見遺賦謝二首

疊果青於棗嵇含狀最工紅鹽齊落子翠竹遠
開筒愛惜教頻數歡娛忘屢空要知君子意獨
許歲寒同

絕勝餘甘樹來從荔子村玉盤盛最好青箸裹
猶溫酒後酸漿別茶中俊味存清香畱改歲試

配煮河豚

食半翅同徐四處士

善作

賦物憐窮鳥營飛日幾迴
遠依黃鼠穴低捨白龍堆
不用深弓射恒愁短翼摧
年年隨凍雀重馬紇來

味合添雛笋羹宜配凍醪
登盤人未識入肆價須高
且緩思鴉炙全勝食雉膏
莫愁嘗易盡讒鼎戒貪饕

春浮閣

春浮本佛樹之子愛逃禪
小閣道南市清流輝

口泉攤書官柳近對酒女牆偏盡咲張思曼能
牽岸上船

題喬侍讀侍直圖

朶殿簪毫入千門露未晞臣心勤夙夜

天意慎幾微慎幾微本房御書扁也細細香生幄瞳瞳日

滿衣非君諳掌故奏事直前稀

秋日萬柳堂同譚十一給事瑄沈秀才

蕙纓龔主事翔麟同賦三首

亂水秋無路篴輿入壞垣粉銷題壁字苔浸插
籬門蟲網捎衣桁魚床齧樹根頻來曾不厭觴

刻樣字大小不一
勻非自工也近世所
通工者信

詠舊游存

撲棗過頭杖裝緜短後衫沙平携小榼徑遠罷
長鑱古塢踈林出遙峰夕照銜蕩舟無不可只
少布爲帆

積潦沉官柳迴流隈女墻白鷗來欸欸黃蝶舞
俚俚鄉曲情無改行歌醉不妨城南咫尺地想
見野雲堂

佛手柑二首

柰女環初脫金仙露最甘萬重來水市一笑啓
筠籃味豈踰淮變香仍隔歲含回思珠海住千